



DET KONGELIGE  
KOMMUNAL- OG REGIONALDEPARTEMENT

Bø kommune  
Postboks 83  
3833 BØ I TELEMARK

Deres ref.

Vår ref.  
12/744-12

Dato  
02.07. 2012

**Statsbudsjettet 2012 – Kap. 552, post 72 – Tilsegn om inntil 1 000 000 kroner til prosjektet Rom for alle - Bø kommune – bulyst 2012**

Tilsegnsnr: 12242044

Vi syner til:

- Utlysning av bulystmidlar på [www.regjeringen.no/bolyst](http://www.regjeringen.no/bolyst)
- Søknad frå Bø kommune innsendt 4. mars 2012

Kommunal- og regionaldepartementet (KRD) gir med dette tilskot på inntil 1 000 000 kroner til prosjektet Rom for alle i Bø kommune i 2012. Dette er ei eingongsløyving for heile prosjektperioden. Prosjektet kan ikkje rekne med ytterlegare medfinansiering frå KRD.

**Målet med bulystsatsinga**

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 19 prosjekta som er valde har ulik innretting, ulike tema og stor geografisk spreieing. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom bulystsatsinga. Vi ser fylkeskommunane som ein heilt sentral nettverksbygger og regional tilretteleggjar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for

---

Postadresse  
Postboks 8112 Dep  
0032 Oslo

<http://www.krd.dep.no/>

Kontoradresse  
Akersgt. 59

[postmottak@krd.dep.no](mailto:postmottak@krd.dep.no)

Telefon  
22 24 90 90

Org. nr. 972 417 858

Saksbehandler  
Knut Ove Nordås  
22 24 70 49

prosjekta. Vi ønskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med regional utvikling.

Kompetansesenteret for distriktsutvikling (Distriktssenteret) har ei sentral rolle i arbeidet med bulyst, både når det gjeld kunnskapsbygging og formidling. Prosjektansvarlege bør òg bruke [www.distriktssenteret.no](http://www.distriktssenteret.no). Det er ein viktig portal for å finne erfarings- og forskingsbasert kunnskap frå andre satsingar og prosjekt.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjeevalueringa av den nasjonale småsamfunnssatsinga, som blei gjennomført av KRD i perioden 2006-2009. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi håper at rettleiaren kan kome til nytte i dykkar vidare arbeid, og papirutgåva er difor òg lagt ved dette brevet.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til KRD og Distriktssenteret. Vi ønskjer at prosjekta skal vere synlege, både lokalt, regionalt og nasjonalt.

### **Mål for prosjektet**

Det overordna målet for "ROM for alle!-prosjektet" er å auke tilflyttinga til Midt-Telemarksregionen og styrke Bø som regionsenter og studiestad.

"ROM for alle!" vil sette i gang ei rekke konkrete tiltak for å styrke Bø som regionsenter og studiestad. Etablering av grønne rom og opne plassar for aktivitet og opplevingar, vil binde dei ulike delane av Bø sentrum tettare saman, opne opp og bidra til eit meir frodig, levande og inkluderande regionsenter. For å nå måla jobbar prosjektet med å legge fysisk til rette for utvikling av gode rom og lågterskel møteplassar i Bø sentrum. (Forprosjekt 2011-12) I hovudprosjektet (2012-2014) vil prosjektet initiere inkluderande prosessar og aktivitetar som fyller romma med liv og bidrar til verdiauke i heile regionen.

### **Resultatmål:**

Opparbeide Evjudalen, Bø torg og minst eitt bakgårdsrom

Ha etablert litteraturfestival i Bø

Etablert faste torgarrangement

Etablert faste aktivitetar i Evjudalen (kopla til prosjektet "Bø i bevegelse")

### **Effektmål**

Auke tal studentar ved studiestad Bø med 150 innan 2020 (Tal studentar i 2011 er 2400, av desse er om lag 1800 busett i Bø)

Auke samla folketal i Midt-Telemark med 150 innan 2020

Auke tal besøkande i Midt-Telemark med 10 % innan 2020

Auke tal arbeidsplassar i Bø med 10 % innan 2020

Effektmåla vil vere mogleg å måle gjennom folketelling, statistikk og anna talmaterial. Resultatmåla vil og vere enkle å måle fordi det er konkrete, handfaste mål det her er snakk om.

Vi gjer merksam på at det i år er fleire kommunar som får bulystmidlar som er opptekne av å vidareutvikle sin kommune som høgskulestad. I tillegg til Bø gjeld det Nesna i Nordland og Volda i Møre og Romsdal. Høgskulane kan vere ein motor for lokal og regional samfunnsutvikling, og mange av utfordringane og moglegheitene vil vere like. Vi vil difor oppfordre dykk til å undersøke om det kan vere aktuelt å utvikle eit samarbeid rundt nokre av dei emna som er knytt til ungdomstiltak, og korleis høgskulane kan brukast meir aktivt i lokal samfunnsutvikling.

### Kostnadsoverslag

Prosjektet har eit totalbudsjett på 15 100 000 kroner. KRD gjev tilsegn om inntil 1 000 000 kroner over kap. 552, post 72 i 2012.

Følgjande budsjett ligg til grunn for tilskotet, for heile prosjektperioden:

KRD gjer merksam på at vårt tilskot gjeld til og med 2014:

### Budsjettplan

Tittel	2012	2013	2014	2015	SUM
Bakgårdsrom	300 000	200 000	200 000		700 000
Bø i bevegelse	300 000	200 000	200 000		700 000
Bøker i Bø	300 000	300 000	300 000		900 000
Fysiske tiltak	4 300 000	3 600 000	3 400 000		11 300 000
Prosjektstyring	500 000	500 000	500 000		1 500 000

**SUM 15 100 000**

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningsliner for posten på [www.regjeringen.no/krd/retningslinjer](http://www.regjeringen.no/krd/retningslinjer).

### Høvet til EØS-regelverk

Kommunal- og regionaldepartementet har vurdert det slik at Bø kommune i denne samanhengen ikkje driv med økonomisk aktivitet og at kommunen ikkje skal sjåast som eit føretak i EØS-avtalen sin forstand. EØS-avtalen sine reglar om offentleg stønad vert difor ikkje brukt på tilskotet.

Vi ber kommunen vere merksam på at dersom kommunen vidareformidlar heile eller delar av tilskotsbeløpet til andre aktørar må kommunen halde seg til reglene om offentlig stønad.

Kommunen bør også vere merksam på at dersom det vert gjort endringar i prosjektet vil dette kunne føre til at aktiviteten i prosjektet endrar karakter frå å vere ikkje-økonomisk til å vere økonomisk. I slike høver vil reglane om offentlig stønad kunne bli brukt.

**Vilkår for utbetaling av midlar:**

1. Bø kommune må innan 1. september 2012 stadfeste ovanfor departementet at det er aktuelt å gjennomføre prosjektet, og at tilskotet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må òg innehalde opplysningar om kva kontonummer pengane skal overførast til.
2. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
3. Det skal først spesifisert rekneskap for arbeidet. Rekneskapa skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarande. Tilskotsmidlar som departementet har utbetalt kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

**Rapportering og kontroll**

Læring og erfaringsoverføring er eit sentralt mål for bulystsatsinga. Difor ber vi dykk leggje vekt på god rapportering av prosjektarbeidet, både undervegs og med ein eigen sluttrapport.

Alle prosjekt som får støtte skal sende inn ein årleg rapport til departementet. Denne

skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema.

Vi ber om at den første, årlege rapporten vert sendt til departementet seinast 24. april 2013. De finn eit eige rapporteringsskjema som skal nyttast til rapporteringa på [www.regjeringen.no/bolyst](http://www.regjeringen.no/bolyst). Papirkopi av skjemaet er òg lagt ved dette brevet.

## Utbetaling

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (etterskotsutbetaling). Dokumentasjon av utgifter bør følgje den årlege rapporteringa.
3. Den siste delen av tilskottet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (etterskotsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
  - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
  - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Tilskottet er gyldig i tilsegnsåret, og dei to påfølgjande åra. Prosjektet må vere avslutta slik at siste utbetaling frå departementet kan gjerast seinast innan utgangen av 2014. Utbetalingsoppmoding må sendast til departementet innan 1. desember 2014.
7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.


Ved kontakt med departementet om utbetaling må tilsegnnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.

Kommunal- og regionaldepartementet ber om at følgjande opplysningar blir sende til [postmottak@krd.dep.no](mailto:postmottak@krd.dep.no):

- Stadfesting på at prosjektet vert gjennomført og på at medfinansiering er på plass
- Behov for eventuell førehandsutbetaling
- Kontonummer og oppmodingar om utbetalningar (sjå under "Utbetaling").
- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ønskjer dykk lykke til med prosjektet.

Med helsing

  
Gerd Slinning (e.f.)  
avdelingsdirektør

  
Knut Ove Nordås  
seniorrådgiver

Vedlegg:

Rettleiar i lokal samfunnsutvikling  
Rapporteringsskjema for bulyst

Kopi:

Distriktssenteret  
Telemark fylkeskommune  
Riksrevisjonen  
Plan- og administrasjonsavdelingen